

Na osnovu čl. 57. i čl. 61. Zakona o bankama ("Službene novine Federacije BiH" broj: 39/98, 32/00, 48/01, 27/02, 41/02, 58/02, 13/03, 19/03, 28/03 i 66/13) i Odluke Likvidacionog upravnika broj: L.U. 01-3671 /13 od 16.09.2013.g., Likvidacioni upravitelj Postbank BH Poštanske banke Bosne i Hercegovine d.d. Sarajevo objavljuje

## JAVNI POZIV

kojim se pozivaju zainteresirane banke da podnesu svoje ponude za kupovinu imovine i/ili preuzimanje imovine Postbank BH Poštanske banke Bosne i Hercegovine d.d. Sarajevo u likvidaciji (u daljem tekstu: Postbank BH d.d. Sarajevo / Banka) uz preuzimanje obveza Banke.

### PREDMET JAVNOG POZIVA

Predmet Javnog poziva je prodaja imovine Banke i/ili preuzimanje imovine Banke uz preuzimanje obveza Banke u likvidaciji. Početnu cijenu čini knjigovodstvena vrijednost imovine Banke na dan 31.08.2013. godine.

Na dan 31.08.2013. godine, prema nerevidiranom izvještaju, knjigovodstveno stanje imovine Banke iznosi:

	u 000 KM
<b>AKTIVA</b>	
Novčana sredstva i računi depozita kod depozitnih institucija	27.929
Kreditni, potraživanja po poslovima lizinga i druga potraživanja	22.604
Poslovni prostori i ostala fiksna aktiva	607
Ostale nekretnine	541
Investicije u nekonsolidovana pov.poduzeća	6
Ostala aktiva	1.016
Rezerve za potencijalne gubitke	4.377
<b>UKUPNA AKTIVA</b>	<b>48.326</b>
<b>OBVEZE</b>	
Depoziti	37.724
Uzete pozajmice – dospjele obaveze	
Uzete pozajmice od drugih banaka	2.000
Obveze po uzetim kreditima	
Ostale obveze	5.929
<b>UKUPNO OBVEZE</b>	<b>45.653</b>
Kapital	2.763
<b>UKUPNO OBVEZE I KAPITAL</b>	<b>48.326</b>

Vanbilansna potraživanja Banke iznose: 1.077

Vanbilansne obveze Banke iznose: 1.752

Pravo učešća imaju banke koje posluju na teritoriji Bosne i Hercegovine i koje svoje poslovanje obavljaju u skladu sa Zakonom o bankama i propisima nadležne Agencije za bankarstvo.

### PRIJAVA I PREGLED BANKE (DUE DILIGENCE)

Pozivaju se zainteresirane banke da izvrše pregled (due diligence) Banke, najkasnije u roku od 20 dana od dana objave Javnog poziva u sredstvima javnog informiranja.

Prijava za pregled Banke (due diligence) može se izvršiti putem zadužene kontakt osobe, Belma Karavdić – Čengić, na telefon: 033/564-015 i/ili pismenim putem na adresi :

**Postbank BH d.d. Sarajevo u likvidaciji**  
**71 000 Sarajevo, Put života 2.**  
**Bosna i Hercegovina**

Prijavu i pregled Postbank BH d.d. Sarajevo može izvršiti osoba ovlaštena za zastupanje banke ili punomoćnik uz priloženu punomoć.

Prije početka due diligence, ovlaštene osobe koje obavljaju due diligence-a u korist potencijalnog kupca potpisuju Izjavu o povjerljivosti.

**PODNOŠENJE PONUDA**

Konačne Ponude po Javnom pozivu se dostavljaju najkasnije 5 dana nakon isteka roka za obavljanje due diligence, odnosno najkasnije 25 dana od dana objave Javnog poziva u sredstvima javnog informiranja. Nakon što obave due diligence, te nakon što podnesu ponudu, potencijalni kupci više nemaju pravo prigovora na utvrđeno stanje Banke.

Ponuda treba da sadrži kupovnu cijenu te terminski program realizacije date ponude.

Ponudu podnosi banka ili lice ovlašteno za zastupanje ili punomoćnik uz propisno ovjerenu punomoć i to u zatvorenoj koverti, na jednom od službenih jezika u Federaciji Bosne i Hercegovine, na adresu:

**Postbank BH d.d. Sarajevo u privremenoj upravi**  
**71 000 Sarajevo, Put života 2.**  
**Bosna i Hercegovina**

(s naznakom "Ponuda po Javnom pozivu" i s napomenom "ne otvarati")

Uz Ponudu se dostavlja i dokaz o uplaćenom depozitu za učešće na Javnom pozivu. Depozit za učešće na Javnom pozivu u iznosu od **10.000,00 KM** uplaćuje se na račun Postbank BH d.d. Sarajevo u likvidacionoj upravi na TRN: **102-050-00001029-15** sa naznakom: „uplata depozita za učešće na Javnom pozivu“.

**POSTUPAK RAZMATRANJA I ODABIR NAJPOVOLJNIJE PONUDE**

Otvaranje ponuda je javno i bit će obavljeno u prisustvu predstavnika Banke (Komisije) i predstavnika banaka koji su dostavili svoju ponudu. O datumu i mjestu otvaranja ponuda će ponuđači biti na vrijeme obaviješteni.

Vrednovanje i rangiranje dostavljenih ponuda vrši Komisija koju imenuje Likvidacioni upravnik.

Osnovni kriterij za rangiranje dostavljenih ponuda je:

- ponuđena cijena za imovinu Banke , odnosno cijena preuzete imovine i srazmjernog dijela obaveza Banke.

Komisija može od potencijalnog kupca zatražiti dodatne informacije koje se odnose na dostavljenu ponudu i dokumentaciju, na poslovni ugled, finansijsku sposobnost ili druge informacije koje mogu biti od uticaja na konačnu odluku o izboru najpovoljnijeg ponuđača.

Komisija ima obvezu da u roku od 5 dana od dana otvaranja ponuda izabere najpovoljnijeg ponuđače i da obavijesti podnosiocima ponuda o prihvatanju odnosno neprihvatanju ponude.

Ponuđač kojem nije prihvaćena ponuda ima pravo prigovora u roku od 5 dana od dana prijema obavijesti.

Likvidacioni upravnik će sa prvorangiranim ponuđačem pristupiti realizaciji po ovom Javnom pozivu i zaključiti Ugovor u skladu sa datom ponudom.

Prema potrebi, najpovoljniji ponuđač je prije potpisivanja ugovora u obvezi da obezbijedi potrebne saglasnosti nadležnih regulatora.

Ukoliko prvorangirani ponuđač nakon obavještenja o izboru jednostrano odustane od svoje ponude, gubi pravo na povrat depozita.

U slučaju odustanka izabranog prvorangiranog ponuđača od Javnog poziva, odnosno od sklapanja ugovora, Likvidacioni upravnik može pristupiti pregovorima sa ponuđačem koji je slijedeći na rang listi, sve dok se Javni poziv ne realizuje ili donese odluka o njegovom poništenju ili proglasi neuspjelim.

Ponuđačima čije ponude ne budu prihvaćene iz bilo kojeg razloga, uplaćeni depozit će se vratiti u roku od 7 dana nakon izvršenog izbora najpovoljnijeg ponuđača.

Likvidacioni upravitelj zadržava pravo poništenja Javnog poziva bez obrazloženja u bilo koje vrijeme prije potpisivanja ugovora i u tom slučaju Banka ne snosi bilo kakve troškove potencijalnih kupaca.

Likvidacioni upravnik

Hazim Škapur s.r.